



## JABATAN KESELAMATAN & KESIHATAN PEKERJAAN

# PANDUAN KELAYAKAN PENDAFTARAN OPERATOR DANDANG STIM

### *Kelayakan Pendaftaran*

Kelayakan seseorang yang ingin mendaftar sebagai Operator Dandang Stim adalah berdasarkan kepada Seksyen 31C, Akta Keselamatan Dan Kesihatan Pekerjaan 1994. Berdasarkan peruntukkan ini, ditetapkan kelayakan untuk permohonan sebagai Operator Dandang Stim Gred Dua & Satu adalah seperti berikut:

### **1.0 KELAYAKAN AM PERMOHONAN SEBAGAI OPERATOR DANDANG STIM GRED DUA (2) & GRED SATU (1)**

- a. Warganegara Malaysia;
- b. Tidak pernah didakwa dan didapati bersalah atas kesalahan di bawah Akta 514 atau peraturan-peraturan di bawahnya;
- c. Disahkan sihat oleh Doktor Kesihatan Pekerjaan (OHD).
- d. Menghadiri kursus Operator Dandang Stim di pusat latihan yang diiktiraf JKKP;
- e. Lulus peperiksaan di pusat peperiksaan yang diiktiraf JKKP; dan
- f. Mengemukakan permohonan pendaftaran di dalam tempoh yang akan ditetapkan selepas lulus peperiksaan Operator Dandang Stim.

Nota: Syarat d, e & f di atas akan dimaklumkan kemudian.

### **2.0 KELAYAKAN KHUSUS PERMOHONAN SEBAGAI OPERATOR DANDANG STIM GRED DUA**

- a. Mempunyai sekurang-kurangnya SPM atau SKM 2 atau kelayakan setara; dan
- b. Berumur tidak kurang daripada dua puluh satu (21) tahun pada hari peperiksaan; dan
- c. Telah berkhidmat selama tempoh tidak kurang dari dua (2) tahun sebagai atendan dandang stim; atau

- d. Telah berkhidmat selama tempoh tidak kurang daripada tiga (3) tahun sebagai pelatih atau jurugemas dalam sesuatu loji stim.

### **3.0 KELAYAKAN KHUSUS PERMOHONAN SEBAGAI OPERATOR DANDANG STIM GRED SATU**

- a. Telah berkhidmat sebagai pembantu kepada jurutera dandang stim atau operator dandang stim gred satu dalam penjagaan dandang stim yang di sambungkan kepada suatu julat dengan permukaan memanas tidak kurang daripada seratus 100 meter persegi selama tempoh tidak kurang daripada lapan belas (18) bulan semasa memegang kebolehan Operator Dandang Stim Gred Dua (2).

### **4.0 KELAYAKAN PERMOHONAN PEMBAHARUAN OPERATOR DANDANG STIM**

- a. Pemohon yang ingin memperbaharui pendaftaran hendaklah memenuhi dan syarat-syarat berikut:
  - i. Masih aktif menjalankan kerja sebagai Operator Dandang Stim dan disahkan oleh majikan;
  - ii. Hadir dan lulus kursus ulang kaji yang ditetapkan oleh Jabatan di pusat latihan yang diiktiraf JKKP (akan dimaklumkan kemudian);
  - iii. Disahkan sihat oleh Doktor Kesihatan Pekerjaan (OHD);
  - iv. Mempunyai majikan tetap
  - v. Tidak disabitkan kesalahan di bawah Akta 514 atau peraturan-peraturan di bawahnya; dan
  - vi. Tidak memperolehi pendaftaran atau pembaharuan melalui salah nyataan atau fraud.
- b. Bagi mengekalkan kesinambungan tempoh sah sijil kompetensi, pemohon hendaklah mengemukakan permohonan pembaharuan tiga (3) bulan sebelum tamat tempoh sah sijil kompetensi.

### **5.0 KAEDAH PERMOHONAN PENDAFTARAN & PEMBAHARUAN OPERATOR DANDANG STIM**

- a. Berkuatkuasa 1 Jun 2024, semua permohonan bagi pendaftaran & pembaharuan Operator Dandang Stim adalah melalui perkhidmatan Sistem MyKKP (<http://mykkp.dosh.gov.my/>) yang boleh dilayari di Single-Sign-On (SSO). Sebarang permohonan secara manual tidak akan diproses.